

LI SINTUMIN DES BELGES LIBERALLE

à sujet d'ell Republique Francès.

SO L'AIR : *Le Dieu des Bonnes gens.*

1

Wallons, Flamins, n'seiant pus si kagniesse,
Vola l'moumint qui nos fâ recresté;
Rijondans nos, qu'a l'union fait l'foesse,
Po conchervé noss' nâtionâlité!
Ad'mirans l'Franc' so l'regn' de l'Republique!
Et d'long comm' pret dinan li todi l'main,
Mais qu'el respeck' noss' bell' petitt Belgique;
Avous s'peup' souverin. (*bis.*)

2

Nos savans bin, qui l'Franc' et l'mer' patreie,
Et qui ce d'leie, qui nos t'nan l'liberté;
Ossu nos cour sont tots poirté por-leie,
Et n'sohaitant qu'el triomph' tots costé!
Mais qu'el respeck', s'el ni vous nin fé n'fâte,
On peup' qu'est neutt, et qui n'li vous qu'des bin;
Et q'les Francets, leîès poirté l'cocâde!!
A peup' qu'est souverin. (*bis.*)

3

On sé d'vin l'timp qui l'pârti catolique,
S'prachîf' li peup' mais ça n'poléf duré;
Qu'a l'hûtt di jun, v'za cangî l'politique,
Et n'zestant maiss', et si vous ton d'moré!!
Tots çou qu'on d'mand' on l'acoid' sin rin dire,
L'ministèr' oûe, comprin nos sintumin;
Et noss' Belgiq', pou s'crir' so s'nob' banire!
Ce l'peup' qu'est souverin. (*bis.*)

4

Mais rindans grâc' à parti liberâlle!
On va r'viqué tots à fait r'iret bin,
Nos v'nans d'avu l'reformm' électoralle;
On pou vôté, tots qui pâe 20 florins!
Et n'zârans co l'reformm' pârlémentaire,
Cislal apreum' nos fret claqué les mains;
On n'vôtret pus po les haut fonctionnaire!!
Ce l'peup' qu'est souverin. (*bis.*)

5

Mais direct-on, l'Belgiq' et so pî d'guerr,
Et noss-t'armaie si tin prett' à roté;
Mais si n'est nin po s'melé d'leus z'affaire,
C'ncest po mint'ni, nos dreut nos liberté.
Et po disfind' à z'armaie etringire,
S'el vinî mâte, à franki noss' terin;
Nos l'zî diri, respekté les frontire!
D'on peup' qu'est souverin! (*bis.*)

6

Insi d'han tot, comm DELFOSS' di n'air fire,
Qwand respondat, à l'Chamb' des deputé;
» Qui l'liberté po conqui l'mond' etire,
» N'a nin dangî, de passé d'noss' costé!!
Belgiq' et Franc', ont les mêmm e z'ideie,
Qwoi q'si n'seue nin, li mêmm gobiernemin;
Et LAMARTIN', respektret noss' patreie,
Insi qu'noss' souverin!!! (*bis.*)

J. J. DEHIN, *Auteur des* P'tit Moumint d'plaisir, des Rawettes, etc.

DÉPOSÉ.